

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
BROJ: 65 0 Mals 711686 23 Ip
Sarajevo, 08.12.2025. godine**

Općinski sud u Sarajevu, sudija Vildana Abaz Hadžić, odlučujući u pravnoj stvari tražitelja izvršenja JOBING D.O.O. Sarajevo, ulica Grada Kalgarija broj 3, koga zastupa Anel Kurtović i Sanja Kurtović, advokati iz Advokatskog društva Kurtović & CO d.o.o., protiv izvršenika D.B. iz Hadžića, vlasnik SUR CAFE TREF, ulica Hadželi broj 173, radi izvršenja, vrijednost spora 150,00 KM, van ročišta, dana 08.12.2025. godine donio je:

**ZAKLJUČAK
O PRODAJI POKRETNIH STVARI**

I – Konstatuje se da je vrijednost pokretnih stvari izvršenika koje su popisane u Zapisniku sudskog izvršitelja od 21.03.2023. godine, procijenjena od strane sudskog izvršitelja i to:

1. Sto od ratana, 2 komada, procijenjene vrijednosti na iznos 400,00 KM;
2. Klub stolica, 4 komada, procijenjene vrijednosti na iznos 400,00 KM;

UKUPNA VRIJEDNOST:.....800,00 KM,

pa se **ODREĐUJE PRVO ROČIŠTE** za prodaju pokretnih stvari izvršenika usmenim javnim nadmetanjem:

ZA DAN: PETAK, 16.01.2026. GODINE U 09,00 SATI.

Ročište za prodaju će se održati putem usmenog javnog nadmetanja **u zgradi Općinskog suda Sarajevo, ulica Šenoina broj 1 – Služba sudskih izvršitelja, kancelarija broj 454/IV.**

II- Pokretne stvari iz stava I ostavljene su na čuvanje izvršeniku uz zabranu daljeg raspolaganja i nalaze se na adresi ulica Hadželi broj 173, Hadžići.

III – Na prvoj prodaji ne mogu se pokretne stvari navedene u stavu I ovog Zaključka prodati ispod 1/2 vrijednosti utvrđene u stavu I ovog Zaključka.

IV – Ponuđač sa najvećom ponudom će uplatiti novčani iznos prodajne cijene u roku od 8 (osam) dana od objavljivanja rezultata prodaje. Ako ponuđač sa najvećom ponudom ne uplati novčani iznos prodajne cijene u predviđenom roku, Sud će zaključkom prodaju tom ponuđaču oglasiti nevaljanom, a drugog ponuđača proglasiti kupcem, koji treba da u roku od 8 (osam) dana uplati kod suda novčani iznos/cijenu koju je ponudio, a ukoliko ni drugi ponudilac u predviđenom roku ne izvrši uplatu, sud primjenjuje ova pravila i na trećeg i daljeg ponuđača.

V – Ako se na prvom ročištu pokretne stvari ne bude mogle prodati, Sud će na zahtjev stranke, koji može podnijeti u roku od 8 (osam) dana od dana kada je održano neuspjelo ročište, zakazati drugo ročište za javno nadmetanje, na kojem se iste mogu prodati bez ograničenja u odnosu na njihovu vrijednost. Sud će obustaviti postupak ako nijedna stranka ne predloži održavanje drugog javnog nadmetanja u navedenom roku ili ukoliko se stvari ne uspije prodati ni na drugom ročištu za javno nadmetanje.

VI – U javnom nadmetanju iz stava I ovog Zaključka mogu sudjelovati samo osobe koje su prethodno položile osiguranje, koje iznosi 1/10 od vrijednosti stvari koje se žele kupiti, s tim što ne može iznositi više od 10.000,00 KM. Osobe koje sudjeluju u javnom nadmetanju, dužne su, prije početka ročišta, Sudu predati po jedan primjerak uplatnice iz koje je vidljivo da je osiguranje položeno. Osiguranje se polaže na depozitni račun Općinskog suda u Sarajevu broj

1411965320009639 otvoren kod BBI banke d.d. Sarajevo, sa naznakom broja predmeta. Od polaganja osiguranja u ovoj izvršnoj stvari oslobođen je tražitelj izvršenja.

VII – Ovaj Zaključak objavit će se na oglasnoj ploči suda, a stranka može o svom trošku objaviti zaključak o prodaji u sredstvima javnog informisanja.

SUDIJA
Vildana Abaz Hadžić

POUKA:

Protiv zaključka nije dozvoljen pravni lijek.